

大方廣佛華嚴經

第四十四


道百八

元祿九年丙子二月日重脩

皇國萬國 帝新銀昌

佛日增輝 轉輪常轉

山城州天安寺法金剛院置



大方廣佛華嚴經卷第四十四

道

集

東晉天竺佛陀跋陀羅譯

離世間品第三十三之六

佛子菩薩摩訶薩有十種事故往詣道場何

等為十所謂欲普照一切世界故往詣道場

為震動一切世界故往詣道場欲於一切世界

普現身故往詣道場為覺悟一切菩薩一切

衆生一切同行故往詣道場為示現道場莊

嚴事故往詣道場為隨應受化示現莊嚴菩

提樹故往詣道場欲對見十方世界一切佛

故往詣道場欲於舉足下足念念入無量
正受諸三昧門成等正覺故往詣道場為受
一切天龍夜叉乾闥婆阿修羅迦樓羅緊那
羅摩睺羅伽乃至釋梵四天王等恭敬供養
各不相知故往詣道場欲以無礙智眼普觀
一切世界正念一切佛於一切刹現成佛故
往詣道場佛子是為菩薩摩訶薩十種事故
往詣道場為教化衆生故佛子菩薩摩訶薩有
十種事故坐於道場何等為十所謂種種震
動一切刹故坐於道場普照一切諸世界故
坐於道場除滅一切諸惡道故坐於道場變
一切刹為金剛故坐於道場觀一切佛師子

吼故坐於道場離一切虛妄心淨如虛空故
坐於道場示現隨順淨身威儀故坐於道場
隨順圓滿金剛三昧故坐於道場受一切佛
清淨坐處故坐於道場自善根力悉能受持
一切衆生故坐於道場佛子是爲菩薩摩訶
薩十種事故坐於道場佛子菩薩摩訶薩坐
道場時有十種奇特未曾有法何等爲十所
謂菩薩摩訶薩坐道場時十方世界一切諸
佛觀此菩薩咸舉右手讚言善哉善哉無上
導師是一奇特未曾有法菩薩摩訶薩坐道
場時一切如來應供等正覺皆悉護持是二
奇特未曾有法菩薩摩訶薩坐道場時宿世

同行菩薩悉來雲集以種種莊嚴具恭敬供
養是三奇特未曾有法菩薩摩訶薩坐道場
時十方一切世界草木叢林非衆生類皆悉
曲躬歸向道場是四奇特未曾有法菩薩摩
訶薩坐道場時正受三昧名善知法界得此
三昧故究竟菩薩一切諸行是五奇特未曾
有法菩薩摩訶薩坐道場時得陀羅尼名曰
道 離垢勝妙海藏菩薩摩訶薩住此陀羅尼故
古花四卷
一切諸佛降甘露法雨此菩薩是六奇特未
曾有法菩薩摩訶薩坐道場時以神通力恭
敬供養一切諸佛是七奇特未曾有法菩薩
摩訶薩坐道場時入於無上智慧法門善巧

方便悉知一切衆生諸根是八奇特未曾有
法菩薩摩訶薩坐道場時正受三昧名曰善
覺菩薩摩訶薩入此定已得淨法身滿虛空
界一切三世是九奇特未曾有法菩薩摩訶
薩坐道場時清淨身業攝取三世無礙智慧
普照一切是十奇特未曾有法佛子是爲菩
薩摩訶薩坐道場時得十種奇特未曾有法
佛子菩薩摩訶薩坐道場時有十種義故示
現降魔何等爲十所謂五濁惡世衆生樂相
征伐欲顯菩薩功德力故示現降魔悉滅天
人諸疑惑故示現降魔爲欲化度魔眷屬故
示現降魔諸天世人樂征伐者令集受化故
示現降魔集天人已顯現菩薩功德之力不
可破壞調伏衆生故示現降魔發起一切衆

示現降魔集天人已顯現菩薩功德之力不可破壞調伏衆生故示現降魔發起一切衆生力故示現降魔哀愍未來一切衆生故示現降魔乃至道場現有魔事悉能超出衆魔境故示現降魔顯現煩惱力勢羸劣大悲善根勢強盛故示現降魔順五濁世諸衆生故示現降魔佛子是為菩薩摩訶薩十種義故坐道場時示現降魔佛子菩薩摩訶薩有十種覺如來力何等為十所謂超出一切衆魔事業除滅煩惱究竟一切菩薩所行覺如來力於一切菩薩三昧而得自在覺如來力具足成就一切菩薩諸禪三昧覺如來力滿足

一切諸白淨法覺如來力分別善法調伏世
間法覺如來力以淨法身滿一切刹覺如來
力所出淨音悉與一切衆生心等覺如來力
悉能受持一切佛法覺如來力得與三世如
來身口意等於一念中知三世法覺如來力
得善覺三昧具佛十力所謂是處非處智乃
至漏盡智覺如來力佛子是為菩薩摩訶薩
十種覺如來力菩薩摩訶薩具此力故得名
如來佛子如是得成如來應供等正覺已能
轉十行清淨法輪何等為十一者具足清淨
四無所畏二者出生四辯淨妙音聲三者明
了四諦四者隨順諸佛無礙法門五者清淨

等心悉能普覆一切衆生六者所說不虛決
定濟度衆生苦際七者宿世大悲所持八者
以妙法音充滿世界一切衆生無不聞知九
者阿僧祇劫常說正法未曾暫息十者轉諸
根力覺意解脫諸禪三昧相續不絕佛子如
來應供等正覺轉如是十行等無量行法輪
佛子如來應供等正覺清淨法輪因十種白
淨法故轉入衆生心出生無相決定不虛何
等爲十所謂過去願力故大悲所持故不捨
衆生故智慧自在隨其所應爲說法故未曾
失時故隨彼法器不增減故決定了知三世
智故身行最勝故口行無虛故智行隨音聲

悉覺悟故佛子是為因十種白淨法故能轉
法輪入衆生心出生無相決定不虛佛子如
來應供等正覺究竟佛事已有十種義示現
大般涅槃何等為十所謂明一切行悉無常
故明一切有為非安隱故明般涅槃趣最安
隱故明般涅槃遠離一切諸怖畏故以諸天
人樂著色身明色身無常是磨滅法令求常
住淨法身故明無常力強不可轉故明有為
法不隨愛行不自在故明三界法悉如坏器
無堅牢故明般涅槃最為真實不可壞故明
般涅槃遠離生死非起滅故佛子以此十種
義故如來應供等正覺示現大般涅槃佛子

一切如來應供等正覺法皆如是所願已成
已轉法輪所應度者皆悉已度已與菩薩受
尊記号一切佛事皆悉究竟安住不變示現
大般涅槃佛子是為如來應供等正覺以十
義故示現大般涅槃佛子是為菩薩摩訶薩
清淨勝行大妙法門諸佛所說無量深義能
令一切諸有智者皆悉歡喜究竟一切菩薩
大願不斷所行佛子若有衆生聞此經者信
心清淨不起誹謗如說修行彼諸衆生速成
阿耨多羅三藐三菩提何以故菩薩摩訶薩
如說行故佛子是故菩薩摩訶薩應如說行
一心敬信受持此經佛子此經出生一切菩

道

古托

甲四卷

四

真宗

薩諸行功德深妙義華深入智慧攝一切法
門遠離世間聲聞緣覺一切衆生所不共法
悉能普照一切法門長養善根度脫衆生是
故菩薩摩訶薩應一心聽受護持此經若菩
薩摩訶薩受持此經則能出生一切諸願以
少方便疾得阿耨多羅三藐三菩提說此出
生一切菩薩諸行功德深妙義華深入智慧
攝一切法門遠離世間聲聞緣覺一切衆生
所不共法悉能普照一切法門長養善根度
脫衆生經時佛神力故此經法如是故十方
無量阿僧祇世界六種震動大光普照尔時
十方諸佛面對觀視普賢菩薩歡喜讚言善

哉佛子乃能說此出生一切菩薩諸行功德
深妙義華深入智慧攝一切法門遠離世間
聲聞緣覺一切衆生所不共法悉能普照一
切法門長養善根度脫衆生經佛子女已善
學此法善知此法快說此法我等諸佛亦說
此法一切諸佛亦復如是是故佛子我等悉
共守護此經令未來世菩薩未聞者聞今時普
賢菩薩承佛神力觀察十方一切大衆一切
法界以偈頌曰

無量無數劫 勤修諸苦行 供養無量佛
生此具佛子 化度無量衆 安立無上道
菩薩無等行 我說善諦聽 供養無量佛

皆悉無染著

化度一切眾

不起眾生意

常求佛功德

其心無所依

說彼勝妙行

令眾悉歡喜

降伏一切魔

滅三界煩惱

已具聖功德

示現童子地

滅惡煩惱癡

其心常寂然

示現無量行

我說彼功德

遠離一切惡

究竟到彼岸

無量眾生前

種種現變化

知心生住滅

示現一切事

說彼妙功德

令眾悉歡喜

見三有眾生

無量苦逼迫

流轉於生死

煩惱火熾然

欲令彼解脫

一向求菩提

略說彼功德

一心善諦聽

施戒忍精進

禪定得自在

具足慧方便

大慈度眾生

無量無數劫

道

古老四十四

五

真宗

樂修悲喜捨

我說彼功德

仁等當諦聽

枯槁無量身

常正求菩提

不惜其壽命

究竟無上道

常為利眾生

不求自安樂

慈悲心牟尼

我說彼勝行

無量無數劫

說少分不盡

虛空可度量

海水可滌數

菩薩功德海

無可為譬喻

饒益眾生故

略說其少分

持眾生善根

長養白淨法

遠離憍慢心

求法無厭足

令眾得安止

長養智慧樹

菩薩心如地

饒益一切眾

柔輒慈心根

無上大悲莖

功德業智華

持戒為妙香

如來淨慧光

開敷菩薩華

不著有為水

普令眾生喜

直心為種子

慈悲為根牙

智慧方便莖

五度為枝條

禪葉諸明華

一切智為菓

法樹神力鳥

普覆三世間

真實諦為足

白淨法為身

正念為頸項

智首解脫頂

慈悲明淨眼

實義幽谷出

菩薩法師子

調伏一切魔

生死為曠野

煩惱諸惡道

邊見為賊難

癡盲迷正路

菩薩大導師

見彼迷冥者

開示其正道

引至安隱處

貪恚諸煩惱

常惱害衆生

無量衆苦患

長夜而逼切

菩薩見彼苦

為發大悲心

具說八万四

對治濟度之

菩薩為法王

正道化衆生

遠惡修衆善

一向求菩提

一切諸佛所

受自在智記

廣施賢聖环

令具七覺寶

清淨戒為轂

精進以為輻

三昧正受輞

三轉淨法輪

清淨心為楯

明利智慧劍

摧滅諸煩惱

外道眾魔怨

甚深智慧海

正法一味水

禪覺寶充滿

一切莫能知

直心淨弥廣

一切智為潮

菩薩智慧海

演說不可盡

世間高無上

於彼無所著

禪明智慧山

堅正不傾動

若有親近者

疾得同彼慧

任智須弥頂

普觀一切世

深心如金剛

一切悉堅固

三寶一切智

信心不可壞

降伏一切魔

除滅諸煩惱

安住無所畏

度脫諸群生

興起大慈雲

道

古花野四卷

俞原

普覆於一切 明曜大悲電 雷震法洪音
四辯澍法雨 八正甘露水 除滅煩惱火
安住一切義 白淨法為城 智慧為墻壁
無上智樓閣 慙愧為深塹 三空解脫門
正念為防守 四道為正路 遊之出三界
建無上法幢 摧滅一切魔 法身金翅鳥
四如意為足 慈悲明淨眼 住一切智樹
菩薩金翅王 生死大海中 搏撮天人龍
安置涅槃岸 淨戒圓滿日 清淨智光明
神足為疾行 消竭愛欲水 覺長夜衆生
長養根力藥 菩薩明淨日 一切無不照
圓滿法界月 衆生觀無厭 映蔽於二乘

小智熒火光

菩薩清涼月

遊於畢竟空

垂光照三界

心法無不現

自在諸法王

功德色嚴身

方便淨智眼

安住勝妙法

相好莊嚴身

一切觀無厭

彼法自在王

如法治衆生

除滅欲煩惱

超出於三界

常樂勤修習

慈悲喜捨法

菩薩大梵王

普現種種身

演出淨妙音

三界無不聞

遠離一切行

境界常清淨

逮得不退智

具足法自在

永離二乘道

諸佛所授記

乘於無上乘

究竟一切智

心淨如虛空

永離一切有

行於世間事

其心無所依

究竟白淨行

亦令衆生然

菩薩慧彌廣

清淨如虛空

無量方便地

饒益諸群生

清涼慈悲水

消滅熾煩惱

智慧猛盛火

燒盡煩惱習

風馳遊十方

廣作諸佛事

菩薩如意寶

除滅眾貧苦

智慧如金剛

摧滅諸邪見

無量德莊嚴

悉令眾生喜

究竟無上行

安任如來處

菩薩功德華

七覺今開敷道

諸願為寶鬚古莊嚴卷

嚴飾世間頂徐

菩薩淨戒香

遠離諸惡戒

以此淨戒香

塗熏一切眾

菩薩無上蓋

普覆諸世間

建立智慧幢

摧滅眾魔幢

菩薩莊嚴行

淨妙智慧幢

慚愧功德衣

普覆一切眾

菩薩無上乘

乘之出三界

其心善調順

安住寶象王

菩薩大龍王

具足自在力

普降甘露法

澤潤諸群生

菩薩甚難值

猶如優曇華

降伏一切魔

除滅諸煩惱

佛所轉法輪

彼能隨順轉

慧燈除眾暗

普令見正道

菩薩功德河

隨順正道流

常為生死橋

度人無休息

菩薩正法船

汎遊諸願海

智慧悉成滿

度人到彼岸

菩薩淨園林

實樂樂眾生

正法解脫華

明淨智宮殿

菩薩雪山頂

出生藥樹王

除滅煩惱病

悉令一切喜

菩薩等如來

覺悟諸眾生

除滅愚癡暗

得成等正覺

最勝所從來

菩薩如是來

逮得平等智

究竟到彼一切菩薩大導師教化諸群生
自然成正覺一切智境界具足無量力
一切莫能壞安住無所畏知法了衆生
乃至色界中所有諸衆生一切語言音
皆悉能隨順過色至無色現彼一切事
一切諸衆生說之不能盡菩薩悉成就

如

古花

卷四十四

如是等功德解了性非性所有無所有
具足真實智除滅一切縛究竟一切智
其心無所著說彼甚深行令衆悉歡喜
了達一切法皆悉如幻化發起方便悲
一切佛護持出生智化門普現無量事
仁等當諦聽菩薩諸功德一身無邊際
普現無量身非心非心境應現一切衆

出下少音

究竟語言法

志願衆生願

普現無量身

非心非心境

應現一切眾

出于一妙音

究竟語言法

悉攝眾生理

一切諸言音

遠離煩惱身

隨應示現身

無量方便身

一切音說法

其心常寂滅

清淨如虛空

以心莊嚴刹

示現一切眾

示現種種身

於彼無所著

遠離一切生

亦不壞彼因

隨順一切趣

受生無所著

了身如虛空

隨其所應現

菩薩現如是

無量無邊事

恭敬供養彼

最勝兩足尊

塗香末香華

幢蓋幡音樂

無上供養具

直心供諸佛

不離一佛會

普在諸佛所

善巧能問難

聽受深妙法

聞此正法故

逮得諸三昧

一一三昧中

生無量定門

又復能普現

無量三昧起

智慧巧方便

逮得諸三昧

一一三昧中

生無量定門

又復能普現

無量三昧起

智慧巧方便

究竟到彼岸

覺悟一切法

皆悉如幻化

示現種種身

出生無量音

入衆生想網

其心無染著

或時現衆生

隨順世間義

或示菩提行

無量無有邊

布施持淨戒

忍辱勤精進

定慧四無量

修行四攝法

或現行成滿

或得無生忍

或受灌頂記

或一生補處

或現聲聞乘

或復現緣覺

無量刹涅槃

不捨菩薩行

或現為帝釋

或現梵天王

或天女圍繞

或復獨宴默

或現比丘像

淨戒調諸根

或現自在王

或現入法網

或現巧術女

或現修苦行

或現在五欲

或復在禪定

或現般涅槃

或復現受生

或現童子身

或復現衰老

若有思議者

迷亂心發狂

或在天宮殿

或現終下生

或現處母胎

成佛轉法輪

或復現出生

或現般涅槃

或現童子術

或復現出家

或現坐道場

或成無上道

或復示現轉

自在正法輪

或現求正法

或現為佛身

充滿無量刹

不退菩薩行

深入無量劫

究竟到彼岸

無量劫一念

一念無量劫

一切劫非劫

示現衆生劫

無來無積聚

示現諸劫事

於一微塵中

普見一切佛 一切諸群生 無處不有佛

一切諸佛刹 及衆生境界 悉能分別知

一切諸法印 一切劫可盡 法印無窮已

如是知衆生 無量無有邊 彼一衆生有

無量百千萬 那由他等身 因緣亦如是

如彼一衆生 一切亦復然 如是究竟知

亦今一切學 悉知衆生根 上中下不同

諸根常流轉 知是器非器 一根一切根

展轉相依持 菩薩微細智 皆悉分別知

亦知諸欲性 種種煩惱垢 了過去心行

未來今現在 悉知衆生行 究竟到彼岸

知行無所行 爲衆說妙法 如是知心行

染汙及清淨 菩薩一念中 逮得一切智
深入如來心 究竟難思議 一念悉能知
諸佛無上智 究竟神力智 具足諸通明
能於一念中 悉詣十方刹 如是疾遊行
無量無數劫 不離本坐處 安住甚深法
猶如工幻師 種種現形色 非色非無色
幻化無所有 菩薩亦如是 深知廣方便
示現衆變化 充滿一切世 譬如明淨日
出現於世間 悉能除衆冥 一切靡不照
菩薩智慧日 明淨甚圓滿 出淨心境界
普照一切法 猶如人夢中 造作種種事
無量劫可盡 夢性無窮盡 菩薩於一念

示現夢等法
無量劫可盡
智慧無終極

常樂居山溪
遠離世間語
究竟語言道

其心無染著
菩薩悉了知
諸法真實性

普說眾生苦
不起虛妄想
譬如春月時

眾生見炎氣
愚者謂為水
尋之增渴愛

菩薩如是見
眾生煩惱覆
如炎增渴愛

一向求解脫
知眾非生實
而更增大悲

觀色如聚沫
受如水泡
想如春時炎

眾行如芭蕉
心如工幻師
示現種種事

善分別五陰
其心無所著
諸入悉空寂

遠離自在事
諸界無實性
示眾生界分

第一真實諦
決定寂滅性
廣演分別法

而心不洙著 菩薩知五陰 無有去來今

因由煩惱業 轉此三苦輪 演說緣起法

非有亦非無 深解真實義 於彼無所著

菩薩淨智慧 解說三世法 示現諸群生

皆悉是一念 欲色無色界 示現衆生事

三乘戒解脫 究竟一切智 了知處非處

知業知諸根 欲性諸煩惱 一切至處道

宿命智天眼 除滅諸煩惱 知佛十種力

而猶未究竟 隨順諸佛法 深解諸法空

悉滅衆煩惱 而不盡諸漏 廣入甚深道

教化諸群生 佛子住無畏 不捨菩薩行

無謬無漏失 亦不捨正念 精進欲三昧

智慧無損減

三種常清淨

明達於三世

大慈念衆生

一切無障礙

深入諸法門

具足如是行

我說其少分

莊嚴功德義

無量無數劫

說之不可盡

我所說少分

如大地一塵

常依如來智

而亦無所依

常修奇特想

大悲堅強故

安住清淨戒

常勤修精進

教化諸群生

受真佛子記

究竟佛功德

知刹知衆生

分別三世劫

其心無疲倦

具陀羅尼力

深解真實義

思惟無等法

速得無上道

一切妙功德

發願求菩提

慈悲因緣力

令菩提淨勝

具足波羅蜜

隨順善究竟

決定諸智力

覺悟無上道 成就方便智 樂說甚深法

隨順常守護 速得法王處 安住勝妙法

於彼無所著 出生智慧花 覺悟勝菩提

住持一切劫 菩薩得正望 安住甚深法

除滅衆生疑 修習甚深智 善能分別知

究竟定慧境 覺悟一切智 智入諸解脫

究竟到彼岸 具足諸通明 離垢清涼園

具足白淨法 示現種種行 普現莊嚴法

皆悉不可議 善知衆生心 能說令究竟

清淨菩提印 智光照一切 一切莫能稱

遠離懈怠法 安住如山王 具功德智海

金剛妙寶法 安住大莊嚴 究竟諸大事

一切莫能壞

得受善提記

世智常自在

安住廣大心

得佛无盡藏

遊戲諸神通

覺悟一切法

一切法境界

自在無障礙

身願行自在

智慧亦自在

無量億自在

示現於一切

具足諸自在

遊戲諸神通

深入佛境界

一切莫能壞

點慧所莊嚴

無畏不共法

修行佛子業

遠離一切惡

清淨身身業

清淨口口業

諸佛守護故

成辦十大事

心心所起住

顯現無上事

安住諸根定

速得最勝根

清淨正直心

遠離諸諛曲

深入衆生性

示現種種事

除滅煩惱習

究竟無上行

具足深智慧

速得一切智

遠離一切惡

方便趣寂滅

出生功德道

善學一切學 無量道心境 修習無所著

安住深智慧 示現道莊嚴 手足及心腹

無上智慧藏 其心如金剛 智慧為器仗

智慧觀察頂 深入菩提行 清淨戒為鼻

除滅諸熾然 四辯廣長舌 無處不至身

淨妙智慧心 諸善行為行 道場安穩住

師子坐為座 梵住為安臥 無礙第一義

觀察善逝智 普照於一切 遍觀衆生行

種種妙功德 以此為奮迅 離貪為淨施

不慢清淨戒 不勤為淨忍 不轉淨精進

自在為淨禪 不行愚癡智 虛空慈普救

不憂惱為悲 清淨法為喜 離諸煩惱捨

寂靜為深義

境界為正法

迴向功德具

智具如利劍

普照為眾明

聞法無厭足

是為正求法

不惜身壽命

是為明正法

隨順諸佛教

除滅諸魔道

清淨正直心

攝取諸佛業

遠離眾魔業

長養諸智慧

遠離魔所持

安住諸佛持

究竟得法持

住無住智慧

作業已命終

降神入母胎

示現微細趣

又復現出生

現稱我最勝

示現行七步

現為童子地

復現處深宮

現出家學道

莊嚴詣道場

普放無量光

覺悟諸群生

降伏一切魔

得成無上道

現轉淨法輪

示現如來地

增長白淨法

現大般涅槃
如我向所說
令衆住菩提
如是具足行
安置一毛道
還置於本處
嚴淨諸佛刹
能以一毛孔
衆生無燒害
無量金剛山
遍散諸佛刹
一切塵可知

菩薩修諸行
略舉其少分
衆生諸法行
成就力自在
掌持無量刹
衆生無恐怖
安置一毛孔
悉受一切海
示現如是等
手摩為微塵
復末塵下刹
智慧不可盡

無量無有邊
無量劫修習
於彼無染著
以無量諸刹
遍遊諸世界
菩薩以一切
衆生無不見
大海不增減
一切諸事相
以此一切塵
遍布餘世界
於一毛孔中

放演淨光明

普照一切世

悉蔽日月光

珠火天神光

隱沒悉不現

除滅惡道苦

為說無上法

菩薩一言音

出生一切音

一切諸衆生

無不悉聞者

以聞此法音

皆得大觀喜

具足廣宣暢

諸佛所說法

過去一切劫

安置未來今

未來現在劫

迴置過去世

十方一切刹

皆悉現成壞

以一切衆生

安置一毛道

過去及現在

一切諸如來

具足自在力

悉於身中現

深知變化法

善能隨所應

普現無量身

於彼無所著

帝釋梵王身

四天大王身

諸天清淨身

一切衆生身

聲聞緣覺身

放演淨光明

普照一切世

悉蔽日月光

珠火天神光

隱沒悉不現

除滅惡道苦

為說無上法

菩薩一言音

出生一切音

一切諸衆生

無不悉聞者

以聞此法音

皆得大觀喜

具足廣宣暢

諸佛所說法

過去一切劫

安置未來今

未來現在劫

迴置過去世

十方一切刹

皆悉現成壞

以一切衆生

安置一毛道

過去及現在

一切諸如來

具足自在力

悉於身中現

深知變化法

善能隨所應

普現無量身

於彼無所著

帝釋梵王身

四天大王身

諸天清淨身

一切衆生身

聲聞緣覺身

如來清淨身、普現一切身、善修菩薩行

現入眾想網、上中下諸品、一切智所持

普現佛及刹、具足深智慧、除滅諸想網

示現菩薩行、究竟成菩提、示現如是等

無量自在力、一切無不現、舉世莫能知

示現無所現、究竟無有上、隨順應眾生

為說決定行、淨身等虛空、妙音滿世間

淨戒為塗香、慚愧衣普覆、離垢正法繒

一切智摩尼、功德莊嚴身、拜署無上王

波羅蜜金輪、諸通為象寶、神足為馬寶

淨慧無上珠、妙行為女寶、四攝寶藏臣

方便主兵寶、無上轉輪王、勝妙三昧城

空觀妙宮殿 慈悲大莊嚴 智慧為利劍

堅強正念弓 明利根為箭 諸佛護持蓋

建立智慧幢 直入諸魔軍 忍力悉摧滅

陀羅尼平地 淨妙行流水 深智為涌泉

淨慧清涼林 空為澄淨池 七覺妙華敷

神足以莊嚴 三昧為娛樂 法門為歌頌

思惟正法女 耳露法之食 解脫味為漿

調御順三乘 遊戲無上園 此等諸勝行

及餘無上法 無量劫修學 其心無疲倦

供養一切佛 嚴淨一切刹 普令一切眾

安住一切智 一切刹微塵 悉可知其數

一切虛空界 皆悉可度量 一切眾生心

念念可知數。佛子諸功德。說之不可盡。
欲具此功德。及餘勝妙法。欲滅一切苦。
安樂諸群生。欲與諸如來。身口意齊等。
應發金剛心。究竟此勝行。

大方廣佛華嚴經卷第四十四

道

